

Nobilitati, & Clero, dioceſe-

os Aboensis, Studiosorum Theologiæ Parentibus, nutritijsq; pijs & liberalibus; Studioſæq; juventuti ad Sacros ordines promotionem expetenti, S.

Manus nemini citò imponas, neq; ecommunicare-
ris peccatis alienis, ſerva teipſum mundum,
ſcribit Apostolus 1. Tim. 5.v. 22, Addens mox conſe-
quens inde damnum. Si hoc præceptum non obſer-
vetur, ſed manus alicui citò, imponatur. Quod
ita manus alicui imponens citò participem faci-
at ſe alienorum peccatorum, ſatis autem, prob dolor,
propriorum habemus. Opera itaq; danda, ut ſervemus
nos mundos ab alienis. Quid manuum impositio-
ne ſignificatum velit Apostolus, obſcurum eſſe nequit.
Non aliud videlicet, quam quod nos uſitatè vocamus
ordinationem ad ministerium Ecclesiasticum. Quam
Eucherius lib. 3. cap. 4. Commentariorum in lib.
Reg. Vocat promotionem ad docendi officium. Sic
enim ſcribit: Nnnc non de una stirpe Aaron ſolum,
Sed de omni Ecclesia eligendos & querendos mini-
ſtros: Et tales quidem, qui vel exemplo, vel doctrina
domum Domini edificare valeant. Et buju:modi

ubicunq; reperti fuerint, sine ulla personarum acceptatione, mox ad docendi officium promovendos. Requisita autem in eo, cui manus imponenda, recensentur 1. Tim. 3. v: 1. 2. 3. 4. 5. 6. Ordinantia nostra Ecclesiastica capite de Ministris Verbi, tria in futuro Verbi Ministro exigit 1. Ætatem idoneam. 2. Mediocrem in Sacris Biblijs experientiam 3. Morum integritatem & honestatem; Experientia vero ordinandorum in Sacris Biblijs, & Theologicis alijs, præsupponit Philosophiae cognitionem, non omnino nullam; Ut docet Basilius Magnus, similitudine quædam, Sicut, inquit, tinctores lanam, quæ receptura sit nobilem aliquem colorem, primò sollicitè præparant, ut postea superinducant florem, sive purpureum, sive quemvis alium: Ita extraneis disciplinis, cum primum fuerint imbuti, tunc demum velut positis rudimentis Syncerum & incorruptum florem probitatis ex Sacris Lectionibus consequantur. Et quasi Solem, in quem prius videre afferunt, ad ipsum veræ lucis radium, pupillis quodammodo confirmatis, erigant intuitum.

Quot verò ordinandi sint, & quoties? Docet ordinantia Ecclesiastica Capite de Episcopis: Videlicet, tot sunt ordinandi, quot requirit, & quot opus habebit Diœcesis, non plures non pauciores.

Huic

Huic ordinationi & salutari constitutioni, cum
Serenissima Regia Majestas existimaret non satis-
fieri in hac nostra Diœcesi, quantum ad necessitatem
Ministrorum Verbi & Templorum, justo, respectu
auditorum, numero, dudum de paucitate Templorum
& Ministrorum Verbi, in Finlandia, in hac nostra
Diœcesi, conquesta est, & emendationem postularit,
plura Templa & plures ministros Verbi exigens,
literis ad Senatum nostrum Ecclesiasticum datis,
quæ inter alia hæc habent: Emedan wij och
bestinne Kyrkiorn: vthi så stoort och vidt begri-
pit Land/ sasom Finland är/ alt för så af varor/
och ibland icke litet tilfalle gifwa til Gudzien-
stens nederläggande och Folketz barbariske lef-
verne der sammestädhes; Men här emoot om
flere Kyrkior och Församlingar woro/ flere då
i Prädikooambetet kunne stå til at Underhålla:
Flere då aff vngdomen som studera, göra sig
hopp der igenom at bliswa försorgde/ flere och af
Åhörarne hatter til derah Saligheet/ än här til/
underättade bliswa; Wij hafwe fördenskul fun-
nes nödigt/ at Recommendera vår General Gou-

verneur aff Finland denne saaken at öfverläggia
medh edher om hwarf och ett Prästegåldz wil-
kor och lägenheet vthi eder. Stift/ och der dhe
befinnes förstoore att vara/ dem deela och sär-
skilia/ vthi två eller tree Församlingar/
efter som Geldet kan vara stort och widlöttigt
til/ der upå hwar Församlingh sin serdeles

*cf. Dr. åbo
Lidu. 1742.
p. 13.*

Wij förmodhe att I låte edher denne saaken med
all nytt och alswar vara behallad/ i anseende at
Gudz åhra och hans Församlingz vthwidgelse
allenar der medh sökes/ efter som wij och til att
befordra detta Christelige wärket så mycket meera/
inhet hafwe welat ansee/ at för eß och Cronau
der igenom ett tämmeligt wil opgå/ Utan giort
den förordningh/ at til the nyie Pastoraten wiße
Hemman skola blifwa Förordnade. Hwilset
wij edher här medh icke hafwe welat förholla.
Och befalle edher Gudh Allzmäch-
tigh nådeligen aff Stockholm den
22. Octobris Anno 1638.

Huic Serenissimæ Majestatis,

Clementissimæ voluntati, hactenus quantum licuit, obsequi studuimus, non intermissuri pedetentim & pro re nata, ea quæ ad plenam Regij Mandati executionem spectare videntur.

CUret obsecro Nobilitas, quantum quidem possibit
ille, ut populus non impediatur, sed promoveatur in
via ad vitam æternam.

Videant idcirco Domini fratres, Domini Præpositi & Pastores, anne in eorum paræcijs pauciora sint templo & auditores per longa & difficilia itinera arceantur ab auditu Verbi D E I.

Facilitant se Pontificij de copia Templorum & Ministrorum verbi in suis Ecclesijs, quod clerus forte major pars sit, quam Sexagesima pars populi Christiani, videlicet, quia Hebrei numeratis sine Levitis Numer. 1, Erant Sexcenta tria millia, quingenti quinquaginta, & non numerabantur pueri ante annos viginti, neq; Senes; Nam cum his, sine dubio, erant plus quam duplo plures, id est, circiter mille millia & trecenta millia: Levitæ autem omnes ab infante usq;

ad senem numerantur Numer. 3. viginti duo millia tantum. Jam igitur addendo Levitas ceteris Hebreis, & dividendo totum numerum per viginti duo millia, efficiuntur partes divisæ Sexaginta, ergo Levitæ erant vix Sexagesima totius populi.

Nulla est, inquit Bellarminus lib. 1. de clericis cap. 25. Tom. 1. cont. pag. 1662. Fere ampla familia, ex qua non sit aliquis Ecclesiasticus, & nullus est pagus, ubi non sit Templum unum aut plura, & aliquot Sacerdotes. Nos fideles & necessarios tantum requirimus in messâ Dei operarios, qui né desint etiam atq; etiam cavendum.

No verint etiam omnes in hac dioecesi, manuum impositionem aliquando desiderantes, sese rigorosum subituros examen, & quidem publicum, in Consistorio nostro Theologico, in artibus dicendi, Logica, Physicis & Mathesi. Quo examine peracto in Theologicis ex Biblijs, & Locis Communibus, Augustana Confessione, & Formulâ Concordiae, & de alijs ministerium nostrum concernentibus, interrogabuntur. Date prainde operam Juvenes Ornatisimi, ne impatiatis statim vos huic examini, ne spe vestra frustremini, ne nutritios vestros, parentes præsertim, fallatis contristetisq; videntes vos repulsam pati, & vel ad Stivam ablegari, vel ad priora subsellia retrò agi. Interstitis Lectionibus Philosophicis & Theologicis,

non

non ita segniter ut communiter fit, cum querela Praeceptorum, & proprio vestro incommodo & dedecore, temporis & sumptuum Parentum & nutritiorum jactura,

Vos Studiosorum Theologiae nutritij, Nobiles, Ministri Verbi, & cujuscunq; estis conditionis & status, animadverte queso, quibus committatis pedagogis, filios & alumnos vestros informandos. Ne promiscue quosvis, ad hoc officium, magni certe momenti, sumatis, ne tenelli animi, Praeceptorum vitijs imbuti, spei vestrae successus filiorum in studijs minus respondeat. Quantum potestis, explorate quid agatur. Cogite eos ad Disputationes publicas & privatas. Ut etiam inde praeter alias utilitates exercitium Latini Sermonis habeant. Neg' enim jam quemquam excusabit, quod Apostolus in descriptione futuri Ministri Verbi, non requirat plurium Lingvarum cognitionem. Nam enim nostra conditio, alios mores postulat, & occasio præ manibus optima, lingvas & artes discendi, ut etiam Ministri verbi, non solum functione & officio, sed etiam eruditione & scientia, à rudi populo nonnihil secernantur; Id quod vult Regium edictum Anno 1569. Ubsaliae propositum: Episcopi non ordinent in posterum, ut balenus factum est, nimis indoctos & fatuos Scholasticos, Sed bene in artibus dicendi & doctrina Christianæ Religionis prius instructos atq; diligenter

ter examinatos, ut jam vocati ad ministerium docendi, cum fructu aliquo & bonæ vitæ exemplo Ecclesiæ Christi præesse possint. Atq; hæc sunt, quæ vobis ad Novi Anni ingressum (quem vobis omnibus fæustum & felicem animitus precor) utinam tam felici eventu, quam intentione bona, amicè significanda duxi. Deus omnium nostrum, memor sit, nobis benedicat, benedicat domui Israel, Serenissimæ & Potentissimæ Reginæ, Dominæ CHRISTINÆ, Reginæ nostræ Clementissimæ, & toti Regiæ familiæ! Benedicat domui Aaron, toti Ministerio Ecclesiastico in nostra Patria, docentibus & discentibus in Academijs & Scholis. Deus omnibus ordinibus & statibus Regni benedicat, omnibus se timentibns benedicat. Aboæ 1, Januarij Anno 1654,

Vester & Vestri omnium commodi pro
re nata ac officij ratione

Studioſis.

ÆSCHILLUS PETRÆUS
Ep. Ab.